



嘉靖本此行下有六十二首  
四字以後每類之下皆著若  
干首江州集並同

韋蘇州集卷第三

蘇州刺史韋浙江叅議何湛之校刊

寄贈下

寄柳州韓司戶郎中

達

一作遠

識與昧機智殊跡同靜於焉得携手屢

賞清夜景蕭灑陪高詠從容羨華省一逐風波

遷南登桂陽嶺舊里門空掩歡

一作新

遊事皆屏

悵望城闕遙幽居時序永春風吹百卉和煦變

間并獨悶終日眠篇書不復省唯當望雨露

子荒遐境

寄令狐侍郎

三山有瓊樹霜雪色逾新始自風塵交中結綢  
繆姻西掖方掌誥南宮復司春夕燕華池月朝  
奉玉階塵衆寶歸和氏吹噓多俊人群公共然  
諾聲問邁時倫孤鴻旣高舉鸞雀在荆榛翔集  
且不同豈不欲殷勤一旦遷南郡江湖渺無垠  
寵辱良未定君子豈緇磷寒暑已推斥別離生  
苦辛非將會面目書札何由申

嘉靖省改卷 江州集同

閑居寄端及重陽

山明野寺曙鍾微雪滿幽林人跡稀閑居寥落  
生高興無事風塵獨不歸

園林晏起寄昭應韓明府盧主簿

田家已耕作井屋起晨煙園林鳴好鳥閑居猶  
獨眠不覺朝已晏起來望青天四體一舒散情  
性亦忻然還復茅簷下對酒思數賢束帶理官  
府簡牘盈目前當念中林賞覽物遍山川上非  
遇明世庶以道自全

寄大梁諸友

分竹守南譙弭節過梁池雄都眾君子出餞擁  
河涓燕譔始云洽方舟已解維一為風水便但  
見山川驅昨日次睢陽今夕宿符離雲樹愴重  
疊煙波念還期相敦在勤事海內方勞師

新秋夜寄諸弟

兩地俱秋夕相望共一作星河高梧一葉下空  
齋歸思多方用憂人瘼况自抱微痾無將別來  
近顏鬢已蹉跎

郊園聞蟬寄諸弟

去歲郊園別聞蟬在蘭省今歲卧南譙蟬鳴歸  
路永夕響依山郭餘悲散秋景一作餘聲緘書  
報此時一作遠景此心方耿耿

寄中書劉舍人

雲霄路竟別中年跡暫同比翼趨丹陛連騎下  
南宮佳詠邀清月幽賞滯芳叢迨予一出守與  
子限西東晨露方愴愴一作蒼離抱更忡忡忽睹  
九天詔秉綸歸國工玉座浮香氣秋禁散涼風

應向橫門度一作環珮杳玲瓏光輝恨未曠歸  
思坐難通蒼蒼松桂姿想在一垣中

郡齋感秋寄諸弟

首夏辭舊國窮秋卧滁城方如昨日别忽覺徂  
歲驚高閣收煙霧池水晚澄清一作戶牖已凄  
爽晨夜感深情昔遊郎署間是月天氣晴一作  
授衣還西郊曉露田中野一作行采菊投酒中昆  
弟自同傾簪組聊挂壁焉知有世榮一旦居遠  
郡山川間音形大道庶無累及茲念已盈

郡中對雨贈元錫兼簡楊凌

宿雨冒空山空城響秋葉沉沉暮色至淒淒涼  
氣入蕭條林表散的礫荷上集夜霧著衣重新  
苔侵履濕遇茲端憂日賴與嘉賓接

冬至夜寄京師諸弟兼懷崔都水

理郡無異一作政所憂在素餐徒令去京國羈  
旅當歲寒子一作月生一氣陽景極南端已懷  
時節感更抱別離酸私燕席一作云罷還齋夜  
方闌邃幕沉空宇一作孤燭照牀單應同茲夕

念寧忘故歲歡川塗恍悠邈涕下一闌干

元日寄諸弟兼呈崔都水

一從守茲郡兩鬢生素髮新正加我年故歲去  
超忽淮濱異時候了似仲秋月川谷風景溫城  
池草木發高齋屬多暇怊悵臨芳物日月昧還  
期念君何時歇

寄職方劉郎中

相聞二十載不得展平生一夕一作旦南宮遇聊  
用寫中情端服光朝次群列一作器英聲歸來

坐粉闈揮筆乃縱橫始陪文翰遊歡燕難久并  
予因謬忝出君爲沉疾嬰別離寒暑過荏苒春  
草生故園茲日隔新禽池上鳴郡中永無事歸  
思徒自盈

社日寄崔都水及諸弟群屬

山郡多暇日社時放吏歸坐閣獨成悶行塘閱  
清輝春風動高柳芳園掩夕扉遙思里中會心  
緒悵微微

寒食日寄諸弟

禁火暖佳辰念離獨傷抱見此野田花心思杜  
陵道聯騎定一作竟何時予今顏已老

三月三日寄諸寄弟兼懷崔都水

暮節看已謝茲晨愈可惜風澹意傷春池寒花

歛夕一作色對酒始依依懷人還的的誰當曲水行

相思尋舊跡

贈李儋侍御

風光山郡少來看廣陵春殘花猶待客莫問意

中人

寄楊協律

吏散門閣掩鳥鳴山郡中遠念長江別俯覺座

隅空舟泊南池雨簾卷北樓風併罷芳樽燕為

愴昨時同

奉酬滁州寄示

楊凌

淮陽一作南為郡暇坐惜流芳歇散懷累榭風清

暑澄潭月陪燕辭三楚戒途綿百越非當遠別

離雅奏何由發

郡齋贈王卿

覺嘉靖本竟

卷三

三

無術謬稱簡素餐空自嗟秋齋雨成滯山藥寒  
始華濩落人皆笑幽獨歲逾賒唯君出塵意賞  
愛似山家一作僧家

簡恒璨

室一作臺虛多涼氣一作風天高屬秋時空庭夜風

雨草木曉離披簡書日云曠文墨誰復持聊因

遇澄靜一與道人期

閑居寄諸弟

秋草生庭白露時故園諸弟益相思盡日高齋

無一事芭蕉葉上獨題詩

登樓寄王卿

踏閣攀林恨不同楚雲滄海思無窮數家砧杵

秋山下一郡荆榛寒雨中

寄暢當聞以子弟被召從軍

寇賊起東山英俊方未閑聞君新應募籍籍動

京關出身文翰場高步不可攀青袍未及解白

羽插腰間昔為瓊樹枝一作姿今有風霜顏秋郊

細柳道走馬一夕還丈夫當為國破敵如摧山



何必事州府坐使鬢毛斑

贈崔貞外

一別十年事相逢淮海濱還思洛陽日更話府中人且對清觴滿寧知白髮新怱怱何處去車馬冒風塵

寄李儋元錫

去年花裏逢君別今日花開已一年世事茫茫難自料春愁黯黯一作怱怱獨成眠身多疾病思田里邑有流亡愧俸錢聞道欲來相問訊西樓望

月幾迴圓

京師叛亂寄諸弟

弱冠遭世難二紀猶未平羈離官一作守遠郡虎豹滿西京上懷犬馬戀下有骨肉情歸去在何時流淚忽霑纓憂來上北樓左右但軍營函谷行人絕淮南春草生鳥鳴野田間思憶故園一作里行何時四海晏甘與齊民耕

贈琮公

山僧一相訪吏案正盈前出處似殊致喧靜兩

遺嘉靖本改遣 江州集同

皆一作依禪暮春華池宴清夜高齋眠此道本無  
得寧復有忘筌

寄諸弟

建中四年十月三日京師兵亂自滁州間道遣使明年興元甲

子歲五月九日使還作

歲暮兵戈亂京國帛書間道訪存亡還信忽從  
天上落唯知彼此淚千行

寄恒璨

心絕去來緣跡

一作踵 一作順 一作斷

人間事獨尋秋草

徑夜宿寒山寺今日郡齋閑思問楞伽子

簡郡中諸生

守郡卧秋閣四面盡荒山此時聽夜雨孤燈照

窓間藥園日蕪漫書帷長自閑惟當上客至論

詩一解顏

寄全椒山中道士

今朝郡齋冷忽念山中客澗底束

一作采荆薪歸

來煮白石欲持一瓢酒遠慰風雨夕落葉滿空

山何處尋行跡

一作慰 一作滿 一作寄 一作遍

寄釋子良史酒

秋山僧冷病聊寄三五杯應寫山瓢裏還寄此  
瓢來

重寄

復寄蒲瓢去定見空瓢來若不打破終當費  
酒材

答釋子良史送酒瓢

此瓢今已到山瓢知己空且飲寒塘水遙將回  
也同一作遙知  
回也風

簡陟巡建三甥盧氏生

忽羨後生連榻話獨依寒竹一齋空時流歡笑  
事從別把酒吟詩待爾同

覽袁子卧病一絕聊以題示沈氏生  
全貞

念子抱沉疾霜露變滁城獨此高窓下自然無  
世情

寄璨師

林院生夜色西廊上紗燈時憶長松下獨坐一  
山僧

寄盧陟

柳葉遍寒塘曉霜凝高閣累日此留連別來成寂寞

途中寄楊邈裴緒示裛子

永陽縣館中作

上宰領淮右下國屬星馳霧野騰曉騎霜竿裂  
東旗蕭蕭陟連岡奔奔望空陂風截鴈嘹唳雲  
叅樹參差高齋明月夜中庭松桂姿當睽一酌  
恨况此兩旬期

宿永陽寄璨律師

遙知郡齋夜凍雪封松竹時有山僧來懸燈獨

自宿

雪行寄裛子

浙瀝覆寒騎飄颻暗川容行子郡城曉披雲看  
杉松

寄裴處士

春風駐遊騎晚景淡山暉澹一問清冷冷子獨掩荒  
園扉草木雨來長里間人到稀方從廣陵宴花  
落未言歸

偶入西齋院示釋子恒璨

僧齋地雖密忘子跡要賒餘一來非問訊自是看  
山花

示全真元常元常趙氏

余辭郡符去爾為外事牽寧知風雪夜復此對  
牀眠始話南池飲更詠西樓篇無將一會易歲  
月坐推遷

寄劉尊師尊

世間在弄榮此身長望碧山到無因白鶴徘徊  
看不去遙知下有清都人

寄盧山樛衣居士盧

兀兀山行無處歸山中猛虎識樛衣俗客欲尋  
應不遇雲溪道士見猶稀

歸寄示

因省風俗與從姪成緒遊山水中道先  
累宵同燕酌十舍携征騎始造雙林寂遐搜洞  
府祕群峯繞盤壽爵懸泉仰特一作異陰壑雲松  
埋陽崖煙花媚每慮觀省牽中乖遊踐志我向  
山水行子歸棲息地一操臨流袂上聳干雲轡

魁嘉靖本改騎江州集同

千嘉靖本改干江州集同

獨往倦危途懷冲一作寡幽致賴爾還都期方將登樓遲

寒食寄京師諸弟

雨中禁火空齋冷江上流鶯獨坐聽把酒看花想諸弟杜陵寒食草青青

歲日寄京師諸季李端武等

獻歲抱深惻僑居念歸緣常患親愛離始覺世務牽少事河陽府晚守淮南壩平生幾會散已及蹉跎年昨日罷符竹家貧遂留連部曲多已

江州集諸季

去車馬不復全閑將酒為偶默以道自詮聽松南巖寺見月西澗泉為政無異術當責豈望遷終理一作來時裝歸鑿杜陵田

簡盧陟

可憐白雪曲未遇知音人恓惶戎旅下蹉跎淮海濱澗樹含朝雨山鳥哢餘春我有一瓢酒可以慰風塵

西澗卽事示盧陟

寢扉臨碧澗晨起澹忘情空林細雨至圓文遍

水生永日無餘事山中伐木聲知子塵喧久暫  
可散煩纓

登郡寄京師諸李淮南子弟

始罷永陽守復卧潯陽樓懸檻飄寒雨危堞侵  
一作江流迨茲聞鴈夜重憶別離秋徒有盈樽  
酒鎮此百端憂

寄黃尊師

結茅種杏在雲端掃雪焚香宿石壇靈祇祇不許  
世人到忽作雷風登嶺難

秋嘉靖本沈祇 江州集同

寄黃劉二尊師

廬山兩道士各在一峯居矯掌白雲表晞髮陽  
和初清夜降真侶焚香滿空虛一作廬中有無為  
樂自然與世踈道尊不可屈符守豈暇餘高齋  
遙致敬願示一編書

秋夜寄丘二十二員外

懷君屬秋夜散步詠涼天山空松子落幽人應  
未眠

奉詔寄示

丘丹

露滴梧葉鳴風秋桂花發中有學仙侶吹簫弄  
山月

贈丘員外

高詞棄浮靡貞行表鄉閭未具真南宮拜聊偃東  
山居大藩本多事日與文章踈每一覩之子高  
詠遂起予宵晝方連燕煩恹亦頓祛格言雅誨  
闕善謔矜數餘久跼思遊曠窮慘遇陽舒虎丘  
愜登眺吳門悵躊躇方此戀携手豈云還舊墟  
告諸吳子弟文學爲何如

跡與孤雲遠心將野鶴俱那同石氏子每到府  
門趨

奉酬

丘丹

久作煙霞侶暫將簪組親還同褚伯玉入館忝  
州人

贈李判官

良玉定爲寶長材時所希佐幕方巡郡奏命布  
恩威食蔬程獨守飲冰節靡違決獄興邦頌高  
文稟天機賓館在林表望山啓西扉下有千畝



田泱漭吳土肥始耕已見穫  
衫絺今授衣政拙勞詳省  
淹留未得歸雖慙且忻願  
日夕覩光輝

寄皎然上人

吳興老釋子野雪蓋精廬  
詩名徒自振道心長晏如  
想茲棲禪夜見月東峯初  
鳴鐘一作驚巖壑焚香滿空虛  
叨慕端成舊未識豈爲疏  
願以碧雲思方君怨別餘  
茂苑文華地流水古僧居  
何當一遊詠倚閣吟躊躇

贈舊識

少年遊太學負氣蔑諸生  
蹉跎三十載今日海隅行

復理西齋寄丘負外

前歲理西齋得與君子同  
迨茲已一周悵望臨春風  
始自踈林竹還復長榛藂  
端正良難久蕪穢易爲功  
援斧開衆鬱如師啓群蒙  
庭宇還清曠煩抱亦舒通  
海隅雨雪霽春序風景融  
時物方如故懷賢思無窮

和張舍人夜直中書寄吏部劉員外

西垣草詔罷南宮憶上才月臨蘭殿出涼自鳳池來松桂生丹禁鴛鴦集雲臺託身各有所相望徒徘徊

和李二主簿寄淮上綦母三

浦城憐傲吏終日賦新詩請去聲報淮陰客春帆

浪作音期

寄二嚴

士良婆牧士元柳牧

絲竹久已懶今日遇君欣打破蜘蛛千道網總為鶴鴿兩箇嚴  
韋蘇州集卷第三終

韋蘇州集卷第四

蘇州刺史韋應物浙江叅議何湛之校刊

送別

李五席送李主簿歸西臺

請告嚴程盡西歸道路寒欲陪鷹隼集猶戀鶴鴿單洛邑人全少嵩高雪尚殘浦臺誰不故報我在微官

送崔押衙相州

頃任內黃令

禮樂儒家子英豪燕趙風驅雞管理邑走馬却

從戎白刃千夫闢黃金四海同嫖姚恩顧下諸  
將指揮中別路憐芳草歸心伴塞鴻鄴城新騎  
滿魏帝舊臺空望闕應懷戀遭時貴立功萬方  
如已靜何處欲輸忠

送宣城路錄事

江上宣城郡孤舟遠到時雲林謝家宅山水敬  
亭祠綱紀多閑日觀遊得賦詩都門且盡醉此  
別數年期

送李十四山東遊

一作山人東遊

聖朝有遺逸披膽謁至尊豈是貿榮寵誓將救  
元元權豪非所便書奏寢禁門高歌長安酒忠  
憤不可吞歎來客河洛日與靜者論濟世翻小  
事丹砂駐精魂東遊無復繫梁楚多大藩高論  
動侯伯踈懷脫塵喧送君都門野飲我林中尊  
立馬望東道白雲滿梁園踟躕欲何贈空是平  
生言

送李二歸楚州

時李季弟牧楚州被訟赴

情人南楚別復詠在原詩忽此嗟岐路還令泣

素絲風波朝夕遠音信往來遲  
好去扁舟客青雲何處期

送閻宗赴東川辟

冰炭俱可懷孰云熱與寒  
何如結髮友不得携手  
懽晨登嚴霜野送子天  
一端祇承簡書命俯仰  
豸角冠上陟白雲嶠下  
冥玄壑湍離群自有託  
歷險得所安當念反窮  
巷登朝成慨嘆

送令狐岫宰恩陽

大雪天地閉群山夜來晴  
居家猶苦寒子有千

里行行行安得辭荷此蒲  
壁榮賢豪爭追攀飲餞  
出西京樽酒豈不歡暮  
春自有程離人起視日  
僕御促前征透遲歲已  
窮當造巴子城和風被  
草木江水日夜清從來  
知善政離別慰友生  
送馮著受李廣州署爲錄事

鬱鬱楊柳枝蕭蕭征馬悲  
送君灞陵岸糾郡南海  
湄名在翰墨場群公正  
追隨如何從此去千里  
萬里期大海吞東南橫  
嶺隔地維建邦臨日域  
温燠御四時百國共臻  
奏珍奇獻京師富豪

虞興戎繩墨不易持州伯荷天寵一作龍選還當翊  
丹墀子爲門下生終始豈見遺所願酌貪泉心  
不爲磷緇上將翫國士下以報渴饑

### 送元倉曹歸廣陵

官閑得去住告别戀音徽一作輝舊國應無業他  
鄉到是歸楚山明月滿淮甸夜鐘微何處孤舟  
泊遙遙心曲違

### 送唐明府赴溧水

三任縣事

三爲百里宰已過十餘年祗歎官如舊旋聞邑

屢遷魚鹽濱海利萑蔗傍湖田到此安甯俗琴  
堂又晏然

### 喜於廣陵拜覲家兄奉送發還池州

青青連枝樹萑萑久別離客遊廣陵中俱到若  
有期俯仰叙存歿哀腸發酸悲收情且爲歡累  
日不知饑夙駕多所迫復當還歸池長安三千  
里歲晏獨何爲南出登閭門驚飈左右吹所別  
諒非遠要令心不怡

### 送張八元秀才擢第往上都應制

決勝文場戰已酣，行應辟命復才堪。  
旅食不辭遊闕下，春衣未換報江南。  
天邊宿鳥生歸思，關外晴山滿夕嵐。  
立馬欲從何處別，都門楊柳正毵毵。

送張侍御祕書江左覲省

莫歎都門路歸無，駟馬車繡衣猶在篋。  
芸蓬一作蓬閣已觀書沃野，收紅稻長江釣白魚。  
晨餐亦可薦名利，欲何如。薦作索潔

賦得鼎門送盧耿赴任

名因定鼎地，門對鑿龍山水北。  
樓臺近城南，車馬還稍開芳野。  
靜欲掩暮鐘，閑去此無嗟。  
屈前賢尚抱關。

賦得浮雲起離色送鄭述誠

遊子欲言去，浮雲那得知。  
偏能見行色，自是獨傷離。  
晚帶城遥暗，秋生峯高竒。  
還因朔吹斷，疋馬與相隨。

錢雍聿之潞州謁李中丞

鬱鬱兩相遇，出門草青青。  
酒酣拔劍舞，慷慨送

子行驅馬涉大河日暮懷洛京前登太行路志  
士亦未平薄遊五府都高步振英聲王人才且  
賢重士百金輕絲竹促飛觴夜醺達晨星娛樂  
易淹暮諒在執高情

上東門會送李幼舉南遊徐方

離絃絃既罷彈罇酒亦已闌聽我歌一曲南徐在  
雲端雲端雖云邈行路本非難諸侯皆愛才公  
子遠結歡濟濟都門宴將去復盤桓令姿何昂  
昂良馬遠遊冠意氣且爲別由來非所嘆

送洛陽韓丞東遊

仙鳥何飄颻綠衣翠爲襟顧我差池羽咬咬懷  
好音徘徊洛陽中遊戲清川潯神交不在結歡  
愛自中心駕言忽徂征雲路邈且深朝遊尚同  
啄夕息當異林出餞宿東郊列筵屬城陰舉酒  
欲爲樂憂懷方沉沉

送鄭長源

少年一相見一作得飛轡河洛間歡遊不知罷中  
路忽言還泠泠鷓絃哀悄悄冬夜閑丈夫雖耿

介遠別多苦顏君行拜高堂速駕難久攀雞鳴  
儔侶發朔雪蒲河關須臾在今夕罇酌且循環

送李儋

別離何從生乃在親愛中反念行路子拂衣自

西東日晏不留宴嚴車出崇墉行遊一作非所

樂端憂道未通一作端處春野百卉發清川思

無窮芳時坐離散世事誰可同歸當掩重關默

默想音容

賦得暮雨送李胃一作渭

楚江微雨裏建業暮鍾時漠漠帆來重冥冥鳥  
去遲海門深不見浦樹遠含滋相送情無限沾  
襟比散絲

留別洛京親友

握手出都門駕言適京師豈不懷舊廬惆悵與  
子辭麗日坐高閣清觴醺華池昨遊倏已過後  
遇良未知念結路方永歲陰野無暉單車我當

前一作去暮雪子獨歸臨流一作云一相望零淚忽

沾衣

豐嘉靖本訛豐

胃嘉靖本胃 江州集同



賦得沙際路送從叔象

獨樹沙邊人跡稀欲行愁遠暮鍾時野泉幾處  
侵應盡不遇山僧知問誰

送榆次林明府

無嗟千里遠亦是宰王畿策馬雨中去逢人關  
外稀邑傳榆石在路遶晉山微別思方蕭索新  
秋一葉飛

雜言送黎六郎

壽陽公之子

冰壺見底未為清少年如玉有詩名聞話嵩峯

多野寺不嫌黃綬向陽城朱門嚴訓朝辭去騎  
出東郊滿飛絮河南庭下拜府君陽城歸路山  
氛氲山氛氲長不見釣臺水淥荷已生少姨廟  
寒花始徧縣閑吏傲與塵隔移竹疏泉常岸幘  
莫言去作折腰官豈似長安折腰客

天長寺上方別子西有道

時任京兆府功曹攝高陵

宰別田曹盧庫戶  
曹韓質因而有作

假邑非拙素况乃別伊人聊登釋氏居携手戀  
念一作茲晨高曠出塵表逍遙滌心神青山對芳

苑列樹遶

一作盈

通津車馬無時絕行子倦風塵

今當遵往路佇立欲何申唯持貞白志以慰心所親

### 送黎六郎赴陽翟少府

試吏向嵩陽春山躑躅芳腰垂新綬色衣滿舊芸香喬樹別時綠客程關外長祗應傳善政日夕慰高堂

### 送別覃孝廉

思親自當去不第未蹉跎家住青山下門前芳

草

一作流水

多秭歸通遠徼巫峽注驚波州舉年年

事還期復幾何

### 送開封盧少府

雄藩車馬地作尉有光輝滿席賓常侍闐街燭夜歸關河征旆遠煙樹夕陽微到處無留滯梁園花欲稀

### 送槐廣落第歸揚州

下第常稱屈少年心獨輕拜親歸海畔似舅得詩名晚對青山別遙尋芳草行還期應不遠寒

露濕蕪城

送汾城王主簿

少年初帶印汾上又經過芳草歸時徧情人故  
郡多禁鐘鐘春雨細宮樹野煙和相望東橋別微  
風起夕波

送澠池崔主簿

邑帶洛陽道年年應此行當時匹馬客今日縣  
人迎暮雨投關郡春風別帝城東西殊不遠朝  
夕待佳聲

送顏司議使蜀訪圖書

輶駕一封急

一作傳

蜀門千嶺曛詎分江轉字但

見路緣雲山館夜聽雨秋後獨叫群無爲久留  
滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨  
送行依微吳苑樹迢遞晉陵城慰此斷行別邑  
人多頌聲

贈別河南李功曹

宏辭登科拜官

耿耿抱私戚私寥寥獨掩扉臨觴自不飲况與故人違故人方琢磨瓌朗代所稀憲禮更右職文翰灑天機聿一作來自東山群彥仰餘輝談笑取高第綰綬卽言歸洛都遊燕地千里及芳扉今朝章臺別楊柳亦依依雲霞未改色山川猶夕暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁謝公寒原正蕪漫一作夕鳥自西東秋日不堪

別淒淒多朔風

宴別幼遐與君貺兄弟

乖闕一作意方一作弭安知忽來翔累日重歡

宴一旦復離傷置酒慰茲夕秉燭坐華堂契闊未及展晨星出東方征人慘已辭車馬儼成一作

來乘我懷自無歡原野滿春光一作群水含時

澤野雉鳴朝陽平生有壯志不覺淚霑裳况自守空宇日夕但彷徨

送宣州周錄事

清時重儒士，糾郡屬伊人。薄遊長安中，始得一  
交親英豪。若雲集，餞別塞城闈。高駕臨長路，日  
夕起風塵。方念清宵宴，已度芳林春。從茲一分  
手，緬邈吳與秦。但覩年運駛，安知後會因。唯當  
存令德，可以解惰勤。

謝櫟陽令歸西郊贈別諸友生

結髮仕

一作事

州縣蹉跎在文墨，徒有排雲心。何

由生羽翼，幸遭明盛日。萬物蒙生植，獨此抱微

痾，頽然謝斯職。

大曆十四年六月二十三日自鄆縣制除櫟陽令以疾辭歸善

福精舍七月二十日賦此詩

世道方在苒，郊園思偃息。爲歡

日已延，君子情未極。馳觴

一作驅馳

忽云晏，高論良

難測。遊步清郡宮，迎風嘉樹側。晨起西郊道，原  
野分黍稷。自樂陶唐人，服勤在微力。佇君列丹  
陛，出處兩爲得。

送端東行

世承清白遺

一作世事留清白

躬服古人言，從官俱守

道歸來，共閉門。驅車何處去，暮雪滿平原。

送姚孫還河中

孫一作系

上國旅遊罷故園生事微風塵滿路起行人何  
處歸留思芳樹飲惜別暮春暉幾日投關郡河  
山對掩扉

始除尚書郎別善福精舍

建中二年四月十九日自

前櫟陽令除尚書比部員外郎

簡略非世器委身同草木逍遙精舍居飲酒自  
爲足累日曾一櫛對書常懶讀社臘會高年山  
川恣遊矚明世方選士中朝懸美祿除書忽到  
門冠帶便拘束愧忝郎署跡謬蒙君子錄俯仰

垂華纓飄颻翔輕轂行將親愛別戀此西澗曲  
遠峯明夕川夏雨生衆綠迅風飄野路一作吹  
往路  
迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生  
守文墨今將匹馬靜烟塵旅宿關河逢暮雨春  
耕亭鄣識遺民此去多應收故地寧辭沙塞往  
來頻

送郝詹事

聖朝列群彥穆穆佐休明君子獨知止懸車守  
國程忠良信舊德文學播英聲既獲天爵美况  
將齒位并書奏蒙省察命駕乃東征皇恩賜印  
綬歸爲田里榮朝野同稱嘆園綺鬱齊名長衢  
軒蓋集飲餞出西京時屬春陽節草木已含英  
洛川當盛宴斯焉爲達生

送蘇評事

季弟仕譙都元兄坐蘭省言訪始忻忻念離當  
耿耿嗟城羨我夏雲起迢遞山川永登高望去塵紛

思終難整

一作  
盤

送李侍御益赴幽州幕

二十揮篇翰三十窮典墳辟書五府至名爲四  
海聞始從車騎幕今赴嫖姚軍契闊晚相遇草  
感遽離群悠悠行子遠眇眇川塗分登高望燕  
代日夕生夏雲司徒擁精甲誓將除國氛儒生  
幸持斧可以佐功勲無言羽書急坐闕相思文

自尚書郎出爲滁州刺史

留別朋友  
兼示諸弟

少年不遠仕秉笏東西京中歲守淮郡奉命乃

征行素慙省閣姿况忝符竹榮効愚方此始顧  
私豈獲并徘徊親交戀愴恨昆友情日暮風雪  
起我去子還城登塗建隼旆勒駕望承明雲臺  
煥中天龍闕欒上征晨興奉早朝玉露霑華纓  
一朝從此去服膺理庶曠皇恩儻歲月歸復厠  
群英

送元錫楊凌

荒林翳山郭積水成秋晦端居意自違况別親  
與愛歡筵慊未足離燈悄已對還當掩郡閣佇

君方此會

送楊氏女

永日方慙慙出門復悠悠女子今有行大江沂  
輕舟爾輩况無恃撫念益慈柔幼為長所育幼女

為楊氏所撫育

兩別泣不休對此結中腸義往難復留

自小闕內訓

言早無恃

事姑貽我憂賴茲託令門仁

恤庶無尤貧儉誠所尚資從豈待

一作

周孝恭

遵婦道容止順其猷離別在今晨見爾當何秋  
居閑始自遣臨感忽難收歸來視幼女零淚緣



纓流

送中弟

一云送崔肅懿

秋風

一作氣

入疎戶離人起晨朝山郡多風雨西

樓更蕭條嗟予淮海老送子關河遙同來不同

去沉憂寧復消

寄別李儋

首戴惠文冠心有決勝

決

籌翩翩四五騎結束向

并州名在相公墓

一作府

丘山恩未酬妻子不及

顧親友安得留夙昔同文翰交分共綢繆忽枉

別離札涕淚一交流遠郡卧殘疾

一作雨

涼氣滿

西樓想子臨長路時當淮海秋

送倉部蕭貞外院長存

襤被蹉跎老江國情人邂逅此相逢不隨鴛鴦

朝天去遙想蓬來臺閣重

送王校書

同宿高齋換時節共看移石復栽杉送君江浦

已惆悵更上西樓望遠帆

送丘貞外還山

長棲白雲表，覽訪高齋宿。還辭郡邑誼，歸泛松江渌。結茅隱蒼嶺，伐薪響深谷。同是山中人，不知往來躅。靈芝非庭草，遼鶴委一作池鷺終當署里門。一表高陽族。

奉酬使君送歸山之作 丘丹

側聞郡守至，偶乘黃犢出。不別桃源人，一見經累日。蟬鳴念秋稼，蘭酌動離瑟。臨水降麾幢，野艇纔容膝。參差碧山路，日一作月送江帆疾。涉海得驪珠，棲梧慙鳳質。媿非鄭公里，歸掃蒙籠室。

重送丘二十二還臨平山居

歲中始再覲，方來又解携。纔留野艇語，已憶故山棲。幽澗人夜汲，深林鳥長啼。還持郡齋酒，慰子一作此霜露淒。

奉酬重送歸山 丘丹

賣藥有時至，自知往來疎。遽辭池上酌，新得山中書。步出芙蓉府，歸乘轂觭車。猥蒙招隱作，豈媿班生廬。

送鄭端公弟移院常州

時瞻憲臣重禮爲內兄全公程雋見責私愛信  
不憊况昔陪朝列今茲俱海壖清觴方對酌一作  
笑天書忽告遷豈徒咫尺地使我心思綿應當  
自此始歸拜雲臺前

送房杭州孺復

專城未四十暫謫豈蹉跎風雨吳門夜惻愴別  
情多

送陸侍御還越

居藩久不樂遇子聊一欣英聲頗籍甚交辟迺

時珍繡衣過舊里驄馬輝四鄰一作光輝敬恭

尊郡守牋簡具州民謬忝誠所媿思懷方見申  
置榻宿清夜加籩醢良辰遵塗還盛府行舫遶  
長津自有賢方伯得此文翰賓

聽江笛送陸侍御同丘貞外賦題

遠聽江上笛臨觴一送君還愁獨宿夜更向郡  
齋聞

同前 丘丹

離樽聞夜笛寥亮入寒城月落車馬散悽惻主

人情

送丘貞外歸山居

郡閣始嘉宴青山憶舊居為君量革履且願住  
藍輦

送崔叔清遊越

忘茲適越意愛我郡齋幽野情豈好謁詩興一  
相留遠水帶寒樹閭門望去舟方伯憐文士無  
為成滯遊

送雲陽鄒儒立少府特奉還京師

建中即藩守天寶為侍且歷觀兩都士多閱諸  
侯人鄒生乃後來英俊亦罕倫為文頗瓌麗稟  
度自貞醇甲科推令名延閣播芳塵再命趨王  
畿請告奉慈親一鍾信榮祿可以展歡欣昆弟  
俱時秀長衢當自伸聊從郡閣暇美此時景新  
方將極娛宴已復及離辰一作燕後乃離省署  
慙再入江海綿十春今日閭門路握手子歸秦

送豆盧策秀才

歲交冰未泮一作冰始泮地卑海氣昏子有京

又作冰水泮

師遊始發吳閶門新黃含遠林微綠生陳根詩  
人感時節行道當憂煩古來濩落者俱不事田  
園文如金石韻豈乏知音言方辭郡齋榻爲一作  
已酌離亭罇無爲倦羈旅一去高飛翻

送王卿

別酌春林啼鳥稀雙旌背日晚風吹却憶回來  
花已盡東郊立馬望城池

送劉評事

聲華滿京洛藻翰發陽春未遂鷓鴣舉尚爲江

海濱吳中高宴罷西上一遊秦已想函關道遊  
子冒風塵寵禽羨歸翼遠守懷交親况復歲云  
暮凜凜冰霜辰旭霽開郡閣寵餞集文人洞庭  
摘朱實松江獻白鱗丈夫豈恨別一酌且歡忻

送雷監赴闕庭

才大無不備出入爲時須雄藩精理行祕府擢  
文儒詔書忽已至焉得久踟躕舟赴朝謁觀  
者盈路衢廣筵列衆賓送爵無停迂攀餞誠愴  
恨懷作賀榮且歡娛長陪柏梁宴日向丹墀趨

時方重右職蹉跎獨海隅

送秦系赴潤州

近作新婚鑷白髻長懷舊卷映藍衫更欲携君  
虎丘寺不知方伯望征帆

韋蘇州集卷第四

